



KO TE

KAHITI O NIU TIRENI.

[MOTUHAKÉ.]

HE MEA TA I RUNGA I TE MANA O TE KAWANATANGA.

PONEKE, TUREI, HUNE 26, 1917.

*Whakatotorotanga i te Ture Whakarite i nga Tikanga mo te Mahi Hoia, 1916,
kia pa ki nga Maori.*

LIVERPOOL, Kawana.

HE PANUITANGA.

NOTEMEA kua meinga hei ture e tekiona rima tekau o te Ture Whakarite i nga Tikanga mo te Mahi Hoia, 1916, ka ahei te Kawana i runga i te Panuitanga ki te whakatoto i nga tikanga o taua Ture, me nga whakarereketanga e mahara ana ia e rite ana, hei whakahaere tikanga e riro ai ma te Ture e karanga atu nga Maori ki te mahi hoia i roto i te Ope Hoia o Niu Tireni mo te Pakanga.

Na reira, ko ahau, ko Arthur William de Brito Savile, Earl o Liverpool, te Kawana o te Tominiona o Niu Tireni, i runga i te whakahaerenga o te mana kua whakawhiwhia ki a au e taua Ture, tenei ka panui ko te Ture Whakarite i nga Tikanga mo te Mahi Hoia, 1916, kua whakatotorotia kia pa ki nga Maori e noho nei te whakamaoritanga i roto i te Ture Whenua Maori, 1909, kia rite tonu ki tona ahua e pa nei ki nga tangata ehara nei i te Maori, engari i runga ano i nga whakarereketanga e whakaaturia nei i raro nei, a hei reira ka ahei kia karangatia nga Maori kia uru ki te mahi hoia ki roto ki te Ope Hoia o Niu Tireni mo te Pakanga; a i runga i te whakahaerenga o taua mana nei ano, tenei hoki ahau ka panui ko te aronga e pa ai taua Ture ki nga Maori me haere i raro i nga whakarereketanga e whai ake nei:—

1. Tenei kua whakaturia, hei tapiri mo te Ope Hoia mo te Pakanga, tetahi rahui ka huaina tona ingoa ko te Rahui Ope Hoia Maori mo te Pakanga, a ko nga tangata e uru ki taua rahui ko nga Maori katoa na to ratou Maoritanga nei ratou i kore ai i uru ki roto ki te Rahui Ope Hoia mo te Pakanga kua whakaritea nei i raro i taua Ture.

2. Ko taua Ture me whakatotoo atu kia pa ki te Rahui Ope Hoia Maori mo te Pakanga pera me tona whakapakanga ki te Rahui Ope Hoia mo te Pakanga kua whakaritea nei e taua Ture, a ko aua rahui e rua ka kiia, mo nga aronga katoa, e tino motuhake ana tetahi i tetahi, a ko ia whakahuatanga i taua rahui i roto i taua Ture me ki ko tona tikanga e whakahua wehewehe ana i ia o aua rahui e rua nei, a me ki ko ia mana kua whakawhiwhia nei e taua Ture me wehewehe me motuhake te whakabaere ki runga ki ia o aua rahui e rua.

3. Kaua rawa tetahi Panuitanga, Ota Kaunihera, Warati, tetahi atu mea whai mana ranei, i mahia, i whakaputaina, i whakaotia ranei mo te Rahui Ope Hoia mo te Pakanga, ahakoa no mua atu no muri mai ranei o te mahinga o tenei Panuitanga, e pa atu ki te Rahui Ope Hoia Maori mo te Pakanga ki te kore i ata whakatotooia kia pa ki taua Rahui Ope Hoia Maori.

4. Ahakoa nga kupu e mau i runga nei, ko nga whakaturanga katoa o nga Poari Whakarite Tikanga mo nga Mahi Hoia, nga Poari Takuta, me nga apiha whai mana, ahakoa no mua atu i tenei ra i whakaturia ai a muri ake nei ranei whakaturia ai, haunga ia mehemea i ata whakakahoretia e te mana nana aua tangata i whakatu, me whakatotoo atu kia pa atu ki te Rahui Ope Hoia Maori mo te Pakanga rite tonu ki tona pa ki te Rahui Ope Hoia mo te Pakanga kua whakaritea nei e taua Ture.

He mea tuku i raro i te ringa o His Excellency te Right Honourable Arthur William de Brito Savile, Earl o Liverpool, Knight Grand Cross o te Most Distinguished Order o Saint Michael me Saint George, Mema o te Royal Victorian Order, Kawana, Tino Rangatira o te Tominiona o Niu Tireni me nga Motu kei raro i tona mana ; he mea whakaputa i raro i te Hiiri o taua Tominiona, i te Whare o te Kawana i Poneke, i tenei te rua tekau ma ono o nga ra o Hune, te tau o to tatou Ariki kotahi mano e iwa rau kotahi tekau ma whitu.

J. ALLEN,
Minita mo te Whawhai.

E TE ATUA TOHUNGIA TE KINGI !